



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_259
Տուգանք նշանակելու մասին

19.07.2023թ.

ք. Երևան

Քննելով տեսչական մարմնի կողմից 2023թ. մայիսի 29-ի N 400-Ա հրամանով

«ԳԱՅԱՆԵ ԱՌԱՔԵԼՅԱՆ ՂԱՐԻԲԻ» Ա/Ձ-ում /ՀՎՀՀ՝ 49622325/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 400-Ա կազմված 03.07.2023թ., խախտումների մասին 09.06.2023թ. արձանագրությունը և այլ նյութերը), որոնցով բացահայտվել է, որ Ա/Ձ-ն զբաղվում է հացի և լավաշի արտադրությամբ և մանրածախ վաճառքով՝ ք.Արմավիր, Բաղրամյան 20/5 հասցեում:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված Ստուգումն իրականացվել «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման արդյունքում պարզվել է, որ պարտադիր օրենսդրական չափագիտական հսկողության ենթակա չափման միջոցը՝ արտադրության կշեռքը, 01.01.2020թ.-ից առ ստուգման պահին ընկած ժամանակահատվածը շահագործվել է առանց ստուգաչափման, որպեսզի զանցանքը նախատեսված է ՎԻՎ օրենսգրքի 188-րդ հոդվածի 3-ին մասով:

Ինչպես նաև պարտադիր օրենսդրական չափագիտական հսկողության ենթակա չափման միջոցը՝ մանրածախ վաճառքի կետում նոր ձեռք բերված կշեռքը, 01.01.2020թ.-ից առ ստուգման պահին ընկած ժամանակահատվածը շահագործվել է առանց ստուգաչափման, որպեսզի զանցանքը նախատեսված է ՎԻՎ օրենսգրքի 158-րդ հոդվածի 23-ին մասով:

Փաստացի խախտվել է «Չափումների միասնականության ապահովման մասին» ՀՀ օրենքի 16-րդ հոդվածի 1-ին մասի պահանջը:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում «ԳԱՅԱՆԵ ԱՌԱՔԵԼՅԱՆ ՂԱՐԻԲԻ» Ա/Ձ -ի տնօրեն՝

Գայանե Ղարիբի Առաքելյանը

իրավախախտողի անունը, ազգանունը, պաշտոնը

ՀՀ Արմավիրի մարզ, ք. Արմավիր, Բաղրամյան Արգինա, Տիգրան Մեծի փ. 6

մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական

իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը. գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ:

Գործը կարող է այդ անձի բացակայությամբ քննվել միայն այն դեպքերում, երբ տվյալների կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:»:

Ղեկավարվելով սույն հոդվածով՝ վարչական պատասխանատվության ենթարկվող անձը ծանուցագրով տեղեկացվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 19.07.2023թ.-ին ժամը 11:00-ին կայանալիք վարչական գործի քննությանը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները: Արդյունքում պարզվեց, որ նրա արարքում առկա են Վարչական իրավախախտումների վերաբերյալ Հայաստանի Հանրապետության օրենսգրքի 33-րդ հոդվածին համապատասխան վարչական իրավախախտման համար պատասխանատվությունը մեղմացնող հանգամանք: Պատասխանատվությունը մեղմացնող հանգամանք է դիտվում այն, որ իրավախախտում կատարած անձը բացահայտված խախտումները և թերությունները 21.06.2023 թվականին վերացրել են:

Վարչական իրավախախտումների վերաբերյալ Հայաստանի Հանրապետության օրենսգրքի 279-րդ հոդվածին համապատասխան վարչական իրավախախտման վերաբերյալ գործը քննելիս Տեսչական մարմնի կողմից պարզվեց, որ Գայանե Առաքելյանի կողմից կատարվել է վարչական իրավախախտում, նա մեղավոր է այն կատարելու մեջ, հետևաբար ենթակա է վարչական պատասխանատվության, սակայն առկա են պատասխանատվությունը մեղմացնող հանգամանք:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ

հողվածով, 244.7 հողվածով, 279-րդ հողվածով, 281-րդ հողվածով և 282-րդ հողվածի 1-ին մասի 1-ին կետով՝

Ո Ր Ո Շ Ե Ց Ի


1. Տվյալ իրավախախտման համար պատասխանատու Գայանե Ղարիբի Առաքելյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 23-րդ մասով նախատեսված պատասխանատվության միջոցը, սահմանել տուգանք 50 000 / հիսուն հազար/ ՀՀ դրամի չափով և 188-րդ հոդվածի 3-ին մասով նախատեսված պատասխանատվության միջոցը, սահմանել տուգանք 120 000 / մեկ հարյուր քսան հազար/ ՀՀ դրամի չափով: ընդհանուրը 170 000 /մեկ հարյուր յոթանասուն հազար/ ՀՀ դրամի չափով:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ